

BOSNA I HERCEGOVINA
Federacija Bosne i Hercegovine
Bosansko-podrinjski kanton
GRAD GORAŽDE
GRADONAČELNIK

Broj:01-23-SI/19
Goražde, 07.10.2019. godine

GRADSKO VIJEĆE
GRADA GORAŽDA

(Handwritten marks: a red checkmark and a blue circle with the number 10)

PREDMET: Dostava prijedloga Odluka radi uvrštavanja na dnevni red sjednice
Gradskog vijeća.-

U prilogu Vam dostavljam prijedlog Odluke o prekršajima protiv javnog reda i mira, radi uvrštavanja na dnevni red sjednice Gradskog vijeća.

S poštovanjem!

OBRADIVAČ
(Handwritten signature)
Enver Adžem, dipl. pravnik



PREDLAGAČ
GRADONAČELNIK
(Handwritten signature)
Muhammed Ramovic



Na osnovu člana 12. Zakona o prekršajima protiv javnog reda i mira („Službene novine Bosansko-podrinjskog kantona Goražde“, br. 11/14) i člana 17. i 88. Statuta Grada Goražda (“Službene novine Grada Goražda” broj 5/18), Gradsko vijeće grada Goražda na sjednici održanoj dana _____. 2019. godine, d o n o s i:

O D L U K U

o prekršajima protiv javnog reda i mira

I OPŠTE ODREDBE

Član 1.

Ovom odlukom utvrđuje su prekršaji i sankcije za djela protiv javnog reda i mira (u daljem tekstu: Odluka), mimo onih utvrđenih Zakonom o prekršajima protiv javnog reda i mira.

Član 2.

Prekršaje protiv javnog reda i mira čine:

1. Uznemiravanje izvođenjem pjesama i muzike uživo ili reprodukcijom putem tehničkih uređaja i izvođenje građevinsko-zanatskih radova u stanovima i individualnim stambenim zgradama u vremenu od 22,00 do 06,00 sati narednog dana.
2. Uznemiravanje stanara telefonom, zvončetom, ili kucanjem na vrata stana bez potrebe, radi prodaje roba, gatanja i proricanja sudbine, kao i pružanje usluga koje nisu ugovorene ili naručene, kao i uznemiravanje i ometanje rada u javnim ustanovama.
3. Polijevanje vode sa balkona i terasa, te istresanje prašine i kućnog otpada.
4. Uništavanje zasada, drvoreda, ruža, zasadnog bilja, kao i dječijih igrališta, uređenih prostora i zelenih površina;
5. Bacanje na prolaznike, vozila i javne puteve leda i snijega savijenog u grudve i kamenja ili drugih predmeta, bacanje iz zgrada ili ograđenih prostora predmeta i hrane ili prosipanje tekućine na prolaznike;
6. Pisanje grafita na fasadama i ulazima zgrada i kuća, javnim prevoznim sredstvima, spomenicima, potpornim zidovima, javnim putevima i trotoarima, reklamnim panoima i njihovo oštećivanje, te uništavanje ulične rasvjete;
7. Devastacija postojećih kulturno-historijskih spomenika i spomen obilježja u gradu i van grada;
8. Unošenje alkoholnih pića i pirotehničkih sredstava od strane posjetilaca u sportske i kulturne objekte za vrijeme održavanja sportskih i kulturnih manifestacija;
9. Ko konzumira alkohol na otvorenim prostorima, parkovima, ispred prodavnica i drugim prostorima koji nisu za to predviđeni, ili ko omogući da se ispred prodavnice ili drugog poslovnog objekta ili prostora koji nisu za to predviđeni, konzumiraju alkoholna pića;

10. Nedoovoljeno izvođenje radova na instalacijama i postavljanje novih instalacija u stambenim zgradama za čije je izvođenje potrebno odobrenje i saglasnost nadležnog organa;
11. Nedoovoljeno i neovlašteno ulaženje i zadržavanje u prostorijama javnih ustanova, obrazovnih institucija i u školskim dvorištima;
12. Pomjeranje kontejnera za smeće sa mjesta koja su utvrđena odlukom nadležnog organa; odlaganje smeća pored kontejnera; odlaganje otpada drvnih sortimenata, građevinskog materijala, otpadnog materijala i drugog čvrstog materijala koji je uzročnik uništavanja kontejnera, paljenje vatre u kontejneru i oko kontejnera; oštećenje kontejnera;
13. Odlaganje građevinskog materijala, drvnih sortimenata (trupaca i balvana), otpadnog materijala i ambalaže na javnim zelenim površinama koje nisu za to predviđene kao i na slivnicima, odvodima otpadnih i površinskih voda u fekalnu kanalizaciju;
14. Postupanje sa životinjama na način koji izaziva uznemiravanje i negodovanje građana i to:
 - a. držanje opasnih životinja na način kojim se može ugroziti život i zdravlje građana, uključujući neisticanje upozorenja na opasnost kod takvih životinja na ulazu u zatvoreno dvorište ili drugi ograđeni prostor gdje su smještene;
 - b. držanje životinja u naseljenom mjestu koje remete noćni mir građana, uvođenje životinja u prodavnice i sl.;
 - c. surovo postupanje sa životinjama, podstrekivanje na borbu i izazivanje životinja;
 - d. na mjestima, izuzev u dvorištima i baštama individualnih stambenih objekata za vrijeme vjerskih praznika.
 - e. neuklanjanje nečistoća iza životinja;
 - f. nehumano postupanje i ubijanje pasa lotalica na javnim mjestima;
15. Upotreba motorne pile prije 08,00 sati (ujutro) i poslije 18,00 sati (poslije podne) je zabranjena;
16. Parkiranje motornih vozila ispred ulaza u zgradu, ugostiteljski objekat ili ljetnu baštu i time onemogućava normalno kretanje pješaka, te parkiranje motornih vozila na javnim zelenim površinama;
17. Izvođenje psa u šetnju bez zaštitne brnjice i povodca i propisno ne vezanje životinje/kućnog ljubimca i time uzrokovanje straha ili uznemirenja kod drugih lica;
18. Ometanje ovlaštenih lica prilikom uklanjanja pasa lotalica sa ulica;
19. Izbacivanje otpada (opušaka, kesa, papira, flaša, ambalaže i sl.) iz motornog vozila u stanju kretanja ili mirovanja

II KAZNENE ODREDBE

Član 3.

Novčanom kaznom od 50 do 300 KM kazniće se fizičko lice za prekršaj iz člana 2. stava (1) tačke: 1,2,3,4,5,6,7,8,9,10,11,12,13,14,15,16,17,18,19. ove Odluke.

Član 4.

Novčanom kaznom od 1.500 do 3.000 KM kazniće se pravno lice za prekršaj iz člana 2. stava (1) tačke 8. ove Odluke.

Za prekršaje iz prethodnog stava kaznit će se odgovorno lice u preduzeću ili drugom pravnom licu, novčanom kaznom od 500 do 800 KM.

Član 5.

Prihod ostvaren naplatom novčanih kazni propisanih ovom Odlukom je prihod budžeta Grada Goražda.

III PRELAZNE ODREDBE

Član 6.

Za provođenje ove odluke nadležna je Policijska uprava, izuzev u slučaju kada postoji osnovana sumnja da je počinjen prekršaji iz člana 2. stava (1) tačka 10. za čije sprovođenje su nadležni odgovarajući inspekcijski organi.

Član 7.

Stupanjem na snagu ove odluke prestaje da važi Odluka o prekršajima protiv javnog reda i mira (Službene novine BPK-a Goražde, br. 1/08).

Član 8.

Ova Odluka stupa na snagu osmog dana od dana objavljivanja u „Službenim novinama Grada Goražda“.

Broj: _____
Goražde _____

PREDSJEDAVAJUĆA VIJEĆA

Jelena Mirković

O b r a z l o ž e n j e

Pravni osnov za donošenje ove Odluke propisan je odredbom člana 12. stav 2. Zakona o prekršaju javnog reda i mira u (Službenim novima BPK-a Goražde br. 11/14.), kojim je propisano da općinsko vijeće u skladu sa ovim zakonom mogu svojom odlukom propisati i druge prekršaje protiv javnog reda i mira. Stavom 2. iste odredbe citiranog zakona propisano je da će vijeće iz stava 1. ovog člana citiranog zakona, u roku 3 mjeseca od dana stupanja na snagu zakona uskladiti svoje odluke kojima se propisuje prekršaj protiv javnog reda i mira sa odredbama ovog zakona.

Prilikom provođenja postojećeg zakona nadležne inspekcije su uočile da je potrebno i druga djela pripisati kao prekršaje i utvrditi sankcije za istu pored dijela koja su utvrđena zakonom. U tom pravcu sačinjena je ova odluka kojom su propisani i novi prekršaji i sankcije za određena dijela koja nisu do sada bila kvalifikovana kao prekršaji a kojim će se unaprijediti stanje javnog reda i mira na području grada Goražda. Ovom odlukom pokušava se proširiti i nadležnost organa unutrašnjih poslova u gonjenju i sankcionisanju učinilaca prekršaja iz ove oblasti.

Svjedoci smo svakodnevnih promjena kao i pojave novih tehnika, navika i novih oblika prekršaja koji narušavaju javni red i mir građana i utiču na njihov normalan rad i život. Ova pojava je jako prisutna u urbanom dijelu grada. Takođe, ovom odlukom stavlja se van snage ranija odluka o prekršajima protiv javnog reda i mira, tako da se jednim integralnim tekstom utvrđuju prekršaji i sankcije protiv javnog reda i mira. Prekršaji koji su utvrđeni ovom odlukom, pored onih utvrđenih zakonom predstavljaju najčešći oblik i veće razmjere protiv javnog reda i mira.

Na osnovu naprijed iznešenog predlaže se usvajanje ove odluke.

